

Šefica patologije KCUS-a: “Ne izlazite ni po hljeb, vrhunac virusa je pred nama”



Docent dr. Nuriya Bilalović, šefica Odjela klinička patologija, onkologija i namirana genetika na Kliničkom centru Univerziteta u Sarajevu, oglasila se na svom Facebook profilu, javlja portal Crna Hronika, a prenosi radiosarajevo.ba.

Njenu molbu i apel građanima Bosne i Hercegovine prenosimo u cijelosti:

“Svim mojim prijateljima, poznanicima i porodici: molim vas da od danas ne izlazite iz svojih kuća, pa čak ni po kruh/ hljeb. Najgore tek počinje. Mnogi pozitivni će biti otkriveni i mnogi se mogu zaraziti. Zato je jako važno da ostanete kod kuće, te da se ne sastajete ni sa kim. Jako je važno biti veoma oprezan.

Moramo se brinuti za sebe , jer vrhunac virusa dolazi u sljedeće dvije sedmice. Obično u te dvije sedmice, zaraženi se pokažu. Nakon toga, 2 sedmice je zatišje, a onda nastaju 2 sedmice u kojoj se sve stišava. Ono što se dogodilo u Italiji je zanemarivanje u vrijeme vremena zaraze i zato su se svi ti zaraženi slučajevi pojavili odjednom i zajedno.

Na kraju, nemojte nikoga posjećivati. Niti primati nekoga u posjetu. Čak niti rodbinu.

To je sve za dobrobit svih nas. Maksimalni val zaraze će biti u sljedeće dvije sedmice .Nemojte zadržavati ovu poruku samo za sebe, prosljedite je svojoj rodbini, prijateljima i kontaktima. Ovo sam napisala jer vas sve volim, i želim vas sve vidjeti zdrave kad se sve završi”, napisala je doc. dr Nuriya Bilalović na svom Facebook profilu, koja je i ranije na ovoj društvenoj mreži dijelila korisne savjete svim građanima Bosne i Hercegovine. (ch, rs)

[Share on Facebook](#)

- [Tweet](#)

- [Follow us](#)

- [Share](#)

- [Share](#)

- [Share](#)

- [Share](#)

- [Share](#)

Date: 02-04-2020